

CYNGOR CYMUNED CRYMYCH - CRYMYCH COMMUNITY COUNCIL

Clerc: Bethan Williams, 9 Berllan Aur, Boncath, SA37 0AB
cyngorcymunedcrymych@gmail.com / 01239 920180

Cofnodion Cyfarfod 01/06/2023

Pwynt Agenda	Prif drafodaeth	Pwyntiau Gweithredu
1. Croeso ac Ymddiheuriadau	Presennol Aled Johnston, Arwel Llywelyn, Bill Davies, Cris Tomos (Cadeirydd), Eirlys Twigg, Hywel Lewis, Iwan Evans, Roger Howells, Shôn Rees (Cyngorydd Sir) Bethan Williams (Clerc) Ymddiheuriadau Melony Richards, Robin Davies	
2. Cyflwyniad gan Ateb a Cwmpas am Ymddiriedolaeth Tai Cymunedol Crymych	Ymunodd Jonathan Hughes o Cwmpas a Nick Garrod o gymdeithas tai Ateb • Cwmpas asiantaeth ddatblygu mentrau cydweithredol Cymru, un rhan o'r gwaith yw tai dan berchnogaeth gymunedol ac Ateb yw un o brif gymdeithasau tai y sir. • Wrth godi tai trwy ymddiriedolaeth tai cymunedol mae angen: ◦ Ystyried teimladau lleol ◦ Asesu'r angen y math a'r model o gartrefi sydd eu hangen ◦ Penderfynu ar fodel "rheoli" ◦ Sut mae'n cael ei weithredu - ai partneriaethau prynu, neu adeiladu cartref • Mae Ateb yn cydweithio gydag ymddiriedolaeth tai cymunedol arall yn Sir Benfro, sydd yn edrych i brynu tir trwy'r treth ail dai,	

	a'i roi ar les hirdymor i Ateb, fydd yn gallu ceisio am grantiau i adeiladu tai sydd eu hangen, yn unol â'r hyn mae'r ymddiriedolaeth tai cymunedol eisiau. Gall Cwmpas helpu gyda model rheoli'r ymddiriedolaeth tai cymunedol	
3. Cofnodion cyfarfod blaenorol – Cynnig ac eilio	 2023/05 Cynigiodd Aled eu bod yn gywir, eiliodd Hywel ac fe'u derbyniwyd fel cofnod cywir.	
4. Materion yn codi o'r cofnodion	(i) Goleuadau Croesfan Crymych Mae'r amseriad yn gywir yn gyfreithiol, felly byddai'n anodd gwneud iddyn nhw aros ar y golau gwyrdd yn hirach i roi mwy o amser i bobl groesi. Bydd Shôn yn trafod gyda rhai sy'n lleol ac sydd angen mwy o amser i groesi er mwyn gwneud yr achos i'r cyngor dros wneud i'r golau aros yn wyrdd y hirach (ii) Yswiriant Roedd Melony yn mynd i edrych i mewn i bolisi yswiriant rhatach (iii) Parc Chwarae Maes Meigian Mae'r clawdd wedi ei dorri. Ers i'r siglenni ayb gael eu tynnu, cŵn sy'n ei ddefnyddio yn bennaf ac mae tipyn o faw cŵn yn cael ei adael yn y parc. Cynigiodd Eiryls bod polisi o beidio caniatáu cŵn yn y parc, eiliodd Arwel, a chytunodd pawb. Bydd angen gosod arwyddion Does dim offer i blant chwarae yn y parc felly roedd pwyllgor yn mynd i geisio am grantiau, ond does dim sôn a ddaeth unrhyw beth o hynny. Mae offer yn ddrud ac mae tri pharc yn y ward felly byddai'n anodd cael arian ar gyfer y tri, gan fod angen gwella offer mewn parciau eraill hefyd. Mae rhywun wedi bod yn edrych i mewn i offer newydd ar gyfer y parc yn Hermon, ac mae'r offer yn ddrud iawn. Awgrymwyd cael parc ar gyfer beiciau, neu meinciau a byrddau picnic	Shôn i rannu enghreifftiau lleol gyda'r cyngor. Bethan i ddilyn lan neu dalu am y polisi presennol Shôn i holi'r cyngor am arwyddion, os nad oes rhai ar gael bydd Cris yn trefnu.

	ym mharc Maes Meigan, fyddai'n rhatach ac yn wahanol, yn lle bod pob parc yr un peth. Byddai angen siarad â'r bobl sy'n byw gerllaw am eu barn nhw cyn gwneud unrhyw beth a byddai'n dda holi eu barn am beth sydd ei angen (iii) Palmant Hermon Mae rhywfaint o waith wedi ei wneud, a'r palmant wedi ei ail-darmacio'n daclus.	
5. Gohebiaeth	Gohebiaeth (i) Clwb Pêl-droed Crymych Fe wnaeth Cris ddatgan diddordeb Daeth cais am gyfranddaliadau tuag at brynu'r Crymych Arms fel menter gymunedol, mae llog o 3% ar gyfranddaliadau, sydd yn £100 fesul un. Prynwyd un cyfranddaliad yng Nghanolfan Hermon pan oedd y gymuned yn prynu'r hen ysgol i fod yn ganolfan. Mae £198,000 wedi ei godi hyd yn hyn ac mae cais wedi mynd at y Community Ownership Fund am gyllid. Cytunwyd y byddai prynu cyfranddaliadau yn ffordd o gefnogi menter leol a gweld y Crymych Arms yn ailagor felly cytunodd pawb i brynu cyfranddaliad(au) Cynigiodd Eirlys roi £500, eiliodd Hywel a chytunwyd trwy bleidlais i roi £500. Mae Amgueddfa Bêl-droed Cymru yn bwriadu dod i ffilmio hanes y clwb a'r ymgais i brynu'r Crymych Arms hefyd..	Bethan i drefnu taliad

	(ii) Paul Sartori Daeth cais am arian tuag at gynnal gwasanaethau Paul Sartori, hosbis yn y cartref, sydd yn cynnig gwasanaeth ar draws Sir Benfro. Rydyn ni wedi cefnogi yn y gorffennol felly cynigiodd Hywel Lewis £150 a chytunwyd trwy bleidlais i gyfrannu £150	Bethan i drefnu taliad
6. Cynllunio	(i) Arwydd cyflymdra Mae'r cyngor wedi gofyn a oes gwrthwynebiad i roi arwydd fydd yn dangos cyflymdra wrth i geir yrru, ar y ffordd i Grymoch o Bentregalar Nodwyd bod problemau gyda chyflymdra ym Mhentregalar a bod angen arwydd, felly nad oedd gwrthwynebiad.	
7. Parc Hermon	Mae'r cyngor wedi bod yn asesu'r parc yn Hermon, ac wedi danfon adroddiad diogelwch. mae rhai pethau yn yr adroddiad wedi eu nodi fel rhai risg canolig ac sydd angen eu datrys Mae angen danfon yr adroddiad ymlaen at y rhai sydd yn edrych i ddiweddaru'r parc Nodwyd bod yr anfoneb am yr archwiliad, am £628 yn ddrud. Dydy hi ddim yn glir beth sy'n cael ei gynnwys yn y pris	Cris i basio'r adroddiad ymlaen at bwyllgor parc Hermon Shôn i holi beth sy'n cael ei gynnwys yn "Service Level Agreement" y parc
8. Ariannol	Roedd £19,950.64 yn y banc ddiwedd mis Ebrill Roedd £31,141.56 yn y banc ddiwedd mis Mai gan fod £12,000 wedi dod mewn ar gyfer yr ymddiriedolaeth tai Bydd rhywfaint yn mynd at Cwmpas i wneud gwaith ymchwil ayb ond bydd arian ar ôl i greu cwmni - does dim rhaid iddo fod yn weithredol yn syth ond gall fod yno'n barod er mwyn manteisio ar gyfleoedd grant ar gyfer tai. Bydd angen gwario'r arian grant erbyn diwedd y mis.	

9. UFA

(i) Blodau Maes Meigan

Mae rhywun newydd wedi symud i Maes Meigan, ac wedi cytuno i roi dŵr i'r blodau. Mae e wedi bod yn gwneud ond mae'r Menshed wedi bod yn dyfrhau'r blodau unwaith yr wythnos hefyd.

Mae angen dweud wrth y Menshed bod rhywun yn fodlon gwneud er mwyn iddyn nhw gael trefnu rhyngon nhw bod y blodau'n cael dŵr.

Mae e hefyd wedi dweud y byddai'n dda peintio'r cafnau blodau wrth Maes Meigan ac yn fodlon gwneud.

Cytunwyd i ofyn i'r Menshed a oes paent dros ben ganddyn nhw.

Cris i gysylltu gyda'r Menshed i roi gwybod bod rhywun i ddyfrhau'r blodau a holi a oes paent ganddyn nhw ar gyfer y peintio cafnau blodau.

(ii) Fferm Villa

Does dim datblygiad am fynedfa Fferm Villa, bydd Shôn yn cyfarfod gyda'r cynllunwyr mewn rhai wythnosau, a bydd Cymdeithas Tai Barcud nhw'n dod i'n cyfarfod nesa ni.

(iii) Heol Portland

Mae rhywfaint o waith wedi ei wneud wrth y sgwâr i baratoi ar gyfer tarmacio ond does dim sicrwydd o amserlen o hyd.

(iv) Torri porfa Llanfyrnach

Dydy'r porfa wrth yr arosfa bws ddim wedi ei dorri. Does dim sicrwydd a fydd yr arhosfa bws yn aros, gan nad oes bysiau yn pasio trwodd.

(vi) Sunnyhill

Gan fod palmant yn cael ei atal mae'r Heddlu wedi cael gwybod, ac mae'r mater wedi ei adael gyda nhw.

(vii) Tân ym Mhontyglasier

Yn dilyn tân bu farw merch fach a chollodd teulu eu heiddo. Nodwyd cydymdeimlad â'r teulu cyfan.

	Mae pobl yr ardal wedi bod yn garedig iawn ac wedi cyfrannu yn hawl iawn i'r teulu. Mae'r teulu wedi dweud eu bod yn ddiolchgar iawn am bob rhodd. Mae'r teulu wedi symud o'r ardal dros dro, ond mae sawl un wedi dweud y bydden nhw'n dymuno cyfrannu dodrefn ac ati os byddan nhw'n symud un ôl. Noddodd Shon ei ddiolch a'i falchder yn yr ardal am eu cefnogaeth. (viii) Gŵyl Fel'Na Mai Rhoddwyd diolch i'r cyngor cymuned am eu cefnogaeth, roedd y digwyddiad yn llwyddiant (ix) Dyddiadau ymuno â'r cyngor cymuned Gofynnwyd i Bethan edrych pryd ymunodd Eirlys a Hywel â'r cyngor cymuned	
10. Dyddiad a Lleoliad y Cyfarfod Nesaf	7.30, nos Iau Gorffennaf 6 Llyfrgell Crymmych	